

EW NAMOPUNG

A awora \$175 ren win me forata ew committee seni aramas an epwe fori ew akkuf ren anapanapen echo finaiken Chuuk, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Kaworen Moni. Ewe aukukun \$175 iei a kawor seni ewe Monienapen ewe Legislature-un Muun Chuuk fan asengessin monien winen akkuf ren anapanapen ewe finaiken Chuuk.

Tetten 2. Tumunun Moni. Ewe ukukun moni a kawor non Tetten 1 epwe ngeni ewe Speaker ewe epwe wisen tumunu nounoun an epwe chok fiti met mei affat non Tetten 1.

Tetten 3. Kefinitaan chon ewe Committee. Ewe Speaker epwe finata tiwemon choon ei committee seni unusen aramas ekkewe repwe wisen ampaiani ewe akkuf mei suuk ngeni aramas ren anapanapen ewe finaiken Chuuk ewe Legislature epwe apungano.


Tetten 4. Ewe Committee. Ewe Committee epwe pusin aota kootun non ewe mwiich an epwe mutir chok fis murin ra kefinita. Ewe Committee epwe finata noun chairman ika menni sakkun nouwiis e kuna epwe auchea me namot pwan etiwa napanapen kootun an mwiich ika met epwe auchea ren masowen mwiich iwe epwe affatatiw annukun ika napanapen ewe akkuf an epwe suuk ngeni ese nifinifin aramas non Chuuk me napanapen katonongen ekkewe choon fonuwen fenapi ar repwe fiti ika pachenong non ewe akkuf. Nangatamen fansoun ewe akkuf esap kukkun seni 60 ran ika nap seni 90 raan.


Tetten 5. Pungun ewe Committee. Non 20 raan me murin kesipenoon ewe akkuf ewe committee epwene katon ekkewe choon akkuf ren met ra atononga ren sakkun ar anapanap iwe finawu unungat ekka a meefi pwe epwe eochu-ngeni ewe finaiken Chuuk. Iwe ewe committee epwene atou ewe nifangen win ren nampa ew \$100, ruu \$50, iwe unungat \$25 ngeni ekkewe chon fori ekkewe anapanap ren ekkewe finaik a kefinita. Pungunoon mefian ewe committee epwe seni pungun uttut ren esap kukkun seni nimon chon ewe committee.

Tetten 6. Ketiwen seni Legislature. Murin ewe Committee a atou ewe win ngeni ekkewe choon akkuf fan pungun ei annuk, ewe Legislature epwene etiwa ew me nein ekkewe anapanap ra win fan itan ewe finaiken Chuuk.


Tetten 7. Poputan Pochokunan. Ei Namopung epwe poputa pochokunan fansoun a kapunguno me ren ewe Kepina, ika atun chok an pusin winiti annuk, nge esemwo chiwen kapunguno.

Annetata:


Datasi Albert
Legislative Clerk/Secretary
Truk Legislature
Truk District Government

Sain seni: 
Tadashi C. Wainit, Speaker
Truk Legislature
Truk District Government

Pwinin maram: December 15, 1978

A kopunguno seni: 
Erhart Aten, Governor
Truk District Government

Pwinin maram: December 26, 1978